

證  
10  
三

六科準繩



證治準繩卷三目錄

諸嘔逆門

嘔吐膈氣總論

反胃 即膈噎

吐利

關格

噫氣

諸血門

諸見血證 九竅出血 毛孔出血

舌衄

耳衄

欬嗽血

溲血

嘔吐 漏氣 走哺 吐食 乾嘔 惡心 嘔苦

噎

霍亂 乾霍亂

呃逆

諸逆衝上

鼻衄

齒衄

吐血

咯血

下血 腸風 臟毒 中盡



畜血



南京中医药大学图书馆版权所有

金壇王肯堂輯

瘦樵程永培校

嘔吐膈氣總論

潔古家珍吐證有三氣積寒也皆從三焦論之上焦在胃口上通於天氣主內而不出中焦在中脘上通於天氣下通地氣主腐熟水穀下焦在臍下下通於地氣主出而不納是故上焦吐者皆從於氣氣者天之陽也其脈浮而洪其症食已暴吐渴欲飲水大便秘結氣上衝胸而發痛其治當降氣和中中焦吐者皆從於積有陰有陽食與氣相假為積而痛其脈浮而弦其證或先痛而後吐或先吐而後痛法當以小毒藥去其積檳榔木香和其氣下焦吐者皆從於寒地道也其脈大而遲其證朝食暮吐暮食朝吐小便清利大便秘而不通治法宜毒藥通其閉塞溫其寒氣大便秘通復以中焦藥和之不令大腑秘結而自愈也 此事難知問嘔吐噦胃所主各有經乎答曰胃者總司也內有太陽陽明少陽三經之別以其氣血多少而為聲物有無之不同即吐屬太陽有物無聲乃血病也有食入即吐食已則吐食久則吐之別嘔屬陽明有物有聲氣血俱病也仲景云嘔多雖有陽明證不可下噦屬少陽無物有聲乃氣病也此以乾嘔為噦也

醫家大法食利則吐為之嘔生薑半夏湯 食入則吐為之暴吐生薑橘皮湯 食已則吐為之嘔



吐橘皮半夏湯 食久則吐爲之反胃水煮金花丸 食再則吐爲之翻胃易老紫沉丸 巨食不能暮

食則吐食不下脈實而滑半夏生薑大黃湯下之 潔古論吐分三焦其說蓋本於黃帝所謂氣爲上膈

食飲入而遲出爲下膈食晬時乃反出之其上焦食已暴吐者今世謂之嘔吐也中下二焦食久而吐食

再而吐者今世謂之膈氣反胃也分嘔吐膈氣爲二門 趙以德云夫陰陽氣血隨處有定分獨脾胃得

之則法天地人而三才之道備故胃有上中下三脘上脘法天爲陽下脘法地爲陰中脘法氣交之分陽

清而陰濁故陽所司者氣陰所司者血然陽中亦有陰陰中亦有陽於是上脘氣多血少則體乾道之變

化動也下脘血多氣少則體坤道之資生靜也中脘氣血相半故運上下動靜升降之氣行由是物之入

胃各從其類聚水飲者物之清穀食者物之濁然清中有濁濁中有清故飲之清者必先上輸於司氣之

肺而後四布爲津爲液清中之濁者則下輸膀胱爲便溺出焉食之清者亦必先淫精於司血之心肝以

養筋骨經脈更化榮衛流注百骸濁中之濁者則自下脘變糟粕傳送下大腸出焉若邪在上脘之陽則

氣停氣停則水積故飲之清濁混亂則爲痰爲飲爲涎爲唾變而成嘔邪在下脘之陰則血滯血滯則穀

不消故食之清濁不分而爲噎塞爲痞滿爲痛爲脹變而成吐邪在中脘之氣交者盡有二脘之病是故

嘔從氣病法天之陽動而有聲與飲俱出猶雷震必雨注也吐從血病法地之陰靜而無聲與食俱出象

萬物之吐出於地也氣血俱病法陰陽之氣交則嘔吐並作飲食皆出然在上腕非不吐食也設陽中之陰亦病則食入即吐不得納於胃也非若中腕之食已而後吐下腕之食久而方出其下腕非不嘔也設陰中之陽亦病則吐與嘔齊作然嘔少於吐不若上腕之嘔多於吐也

嘔吐 漏氣 走哺 吐食 乾嘔 惡心 嘔苦 吐酸 吞酸 嘔清水 吐涎沫 吐蚘

東垣曰夫嘔吐噦者皆屬於胃胃者總司也以其氣血多少為異耳且如嘔者陽明也陽明多血多氣故

有聲有物氣血俱病也仲景云嘔多雖有陽明症慎不可下孫真人曰嘔家多服生薑乃嘔吐之聖藥也

氣逆者必散之故以生薑為主吐者太陽也太陽多血少氣故有物無聲乃血病也有食入則吐有食已

則吐以陳皮去白主之噦者少陽也少陽多氣少血故有聲無物乃氣病也以薑製半夏為主故朱奉議

治嘔吐噦以生薑半夏陳皮之類是也究三者之源皆因脾氣虛弱或因寒氣客胃加之飲食所傷而致

也宜以丁香藿香半夏茯苓陳皮生薑之類主之若但有內傷而有此疾宜察其虛實使內消之痰飲者

必下之當分其經對證用藥不可亂也 金匱方諸嘔吐穀不得下者小半夏湯主之又云嘔家本渴渴

者為欲解今反不渴心下有支飲故也小半夏湯主之用半夏一升生薑半斤水七升煮取一升半分溫

再服又云卒嘔吐心下痞有水眩悸者小半夏加茯苓湯主之即前方加茯苓四兩也然則生薑半夏固

證治準繩 卷三嘔吐 三



通治嘔吐之正劑矣然東垣云辛藥生薑之類治嘔吐但治上焦氣壅表實之病若胃虛穀氣不行胸中

閉塞而嘔者惟宜益胃推揚穀氣而已勿作表實用辛藥瀉之故服小半夏湯不愈者服大半夏湯立愈

此仲景心法也 寒而嘔吐則喜熱惡寒四肢淒清或先覺曠酸脈弱小而滑因胃虛傷寒飲食或傷寒

汗下過多胃中虛冷所致當以剛壯溫之宜二陳湯加丁香十粒或理中湯加枳實半錢或丁香吳茱萸

湯藿香安胃散鐵刷湯不效則溫中湯甚則附子理中湯或治中湯加丁香並須冷服蓋冷遇冷則相入

庶不吐出 羅謙甫云諸藥不愈者紅豆丸神效 曾有患人用附子理中湯四逆湯加丁香到口即吐後去乾薑只參附加了

木二香煎熟更磨入沉香立吐定蓋虛寒痰氣凝結丁附既溫佐以沉香則通乾薑白朮則泥耳 熱

嘔食少則出喜冷惡熱煩躁引飲脈數而洪宜二陳湯加黃連炒梔子枇杷葉竹茹乾葛生薑入蘆根汁

服 金匱方嘔而發熱者小柴胡湯主之潔古用小柴胡湯加青黛以薑汁打糊丸名清鎮丸治嘔吐脈

弦頭痛蓋本諸此 胃熱而吐者聞穀氣即嘔藥下亦嘔或傷寒未解胸中有熱關脈洪者是也並用蘆

根汁 金匱方嘔吐而病在膈上後思水解急與之思水者豬苓散主之 嘔而胸滿者吳茱萸湯主之

嘔而渴者枇杷葉汁飲之 嘔而腸鳴心下痞者半夏瀉心湯主之 氣嘔吐胸滿膈脹關格不通不

食常飽食則常氣逆而吐此因盛怒中飲食而致宜二陳湯加枳實木香各半錢或吳茱萸湯不效則丁

沉透膈湯及五膈寬中湯 食嘔吐多因七情而得有外感邪氣併飲食不節而生大概治以理中爲先  
二陳湯加枳實一錢或加南星七分沉香木香各四分亦好或只服枳南湯或導痰湯 又有中脘伏痰  
遇冷卽發俗謂之冷痢或服新法半夏湯或搥脾湯 有痰飲粥藥到咽卽吐人皆謂其番胃非也此乃  
痰氣結在咽膈之間宜先以薑蘇湯下靈砂丹俟藥可進則以順氣之藥繼之 外有吐瀉及痢疾或腹  
冷痛進熱藥太驟以致嘔逆宜二陳湯加砂仁白豆蔻各半錢沉香少許 嘔吐諸藥不效當借鎮重之  
藥以墜其逆氣宜薑蘇湯下靈砂丹百粒俟藥得止却以養正丹半硫丸導之嘔吐津液既去其口必渴  
不可因渴而遽以爲熱 若陰虛邪氣逆上窒塞嘔噦不足之病此地道不通也正當用生地黃當歸桃  
仁紅花之類和血涼血潤血兼用甘草以補其氣微加大黃芒硝以通其閉大便利邪氣去則氣逆嘔噦  
自不見矣 復有胸中虛熱穀氣久虛發而爲嘔噦者但得五穀之陰以和之則嘔噦自止

〔漏氣〕 身背皆熱肘臂牽痛其氣不續膈間厭悶食入卽先嘔而後下名曰漏氣此因上焦傷風閉其  
腠理經氣失道邪氣內著麥門冬湯主之

〔走嘔〕 下焦實熱大小便不通氣逆不續嘔逆不禁名曰走嘔人參湯主之

〔吐食〕 上焦氣熱上衝食已暴吐脈浮而洪宜先降氣和中以桔梗湯調木香散二錢隔夜空腹服之



三服後氣漸下吐漸去然後去木香散加芍藥二兩黃耆一兩半同煎服之病愈則止如大府燥結食不盡下以大承氣湯去芒硝微下之少利爲度再服前藥補之如大便復結又依前微下之 保命集用荆

黃湯調檳榔散 中焦吐食由食積與寒氣相格故吐而疼宜服紫沉丸 金匱大黃甘草湯治食已即

吐又治吐水 吐食而脈弦者由肝勝於脾而吐乃由脾胃之虛宜治風安胃金花丸青鎮丸主之 金

匱茯苓澤瀉湯治胃反吐而渴欲飲水者

〔乾嘔〕 金匱方乾嘔噦若手足厥者陳皮湯主之 卒乾嘔不息取甘蔗汁溫服半升日三或入薑汁

搗葛根絞取汁服

〔惡心〕 惡心乾嘔欲吐不吐心下暝漾人如畏船宜大半夏湯或小半夏茯苓湯或理中湯治中湯皆

可用 金匱方病人胸中似喘不喘似嘔不嘔似噦不噦徹心中憤憤然無奈者生薑半夏湯主之 胃

氣虛弱身重有痰惡心欲吐是邪氣羈絆於脾胃之間當先實其脾胃茯苓半夏湯主之 舊有風證不

敢見風眼澀眼黑胸中有痰惡心兀兀欲吐但遇風覺皮肉緊手足難舉動重如石若在暖室少出微汗

其證隨減再遇風病復如是柴胡半夏湯主之 仲景云病人欲吐者不可下之又用大黃甘草治食已

卽吐何也曰欲吐者其病在上因而越之可也而逆之使下則必抑塞憤亂而益以甚故禁之若既已吐



矣吐而巳有升無降則當逆而折之引令下行無速於大黃者也故不禁也兵法曰避其銳擊其惰此之謂也丹溪泥之而曰凡病嘔吐切不可下固矣夫

〔嘔苦〕經云善嘔嘔有苦長太息邪在膽逆在胃膽液泄則口苦胃氣逆則嘔苦故曰嘔取膽三里以下胃氣逆則刺少陽血絡以開膽逆却調虛實以去其邪又云口苦嘔宿汁取陽陵泉爲胃主嘔而膽汁苦故獨取膽與胃也 陽明在泉燥淫所勝病善嘔嘔有苦又云陽明之勝嘔苦治以苦溫辛溫是運氣嘔苦皆屬燥也

〔吐酸〕

吞酸附

東垣曰病機云諸嘔吐酸皆屬於熱辨云此上焦受外來客邪也胃氣不受外邪故嘔傷

寒論云嘔家雖有陽明證不可攻之是未傳入裏三陰不受邪也亦可見此症在外也仲景以生薑半夏治之孫真人云嘔家多用生薑是嘔家聖藥以雜病論之嘔吐酸水者甚則酸水浸其心不任其苦其次則吐出酸水令上下牙酸澀不能相對以大辛熱劑療之必減吐酸嘔出酸水也酸味者收氣也西方肺金旺也寒水乃金之子子能令母實故用大鹹熱之劑瀉其子以辛熱爲之佐以瀉肺之實以病機之法作熱攻之者誤矣蓋雜病醋心濁氣不降欲爲中滿寒藥豈能治之乎 丹溪曰或問吞酸素問明以爲

熱東垣又以爲寒何也曰吐酸與吞酸不同吐酸似吐出酸水如醋平時津液隨上升之氣鬱而成積成



積既久濕中生熱故從木化遂作酸味非熱而何其有鬱積之久不能自涌而出伏於肺胃之間略不得上曠不得下肌表得風寒則內熱愈鬱而酸味刺心肌表溫暖腠理開發或得香熱湯丸津液得行亦可暫解非寒而何素問言熱者言其本也東垣言寒者言其末也但東垣不言外得風寒而作收氣立說欲瀉肺金之實又謂寒藥不可治酸而用安胃湯加減二陳湯俱犯丁香且無治熱濕鬱積之法爲未合經意予嘗治吞酸用黃連茱萸各製炒隨時令送爲佐使蒼朮茯苓爲輔湯浸蒸餅爲小丸吞之仍教以糲食蔬果自養則病易安 中脘有飲則嘈有宿食則酸故常噯宿腐氣逆曠酸水亦有每晨吐清酸水數口日間無事者亦有膈間常如酸折皆飲食傷於中脘所致生料平胃散加神麴麥芽各一錢或八味平胃散有熱則咽醋丸 膈間停飲積久必吐酸水神朮丸 酒癖停飲吐酸水乾薑丸 風痰眩冒頭痛惡心吐酸水半夏南星白附生爲末滴水丸桐子大以生麪爲衣陰乾每服十九丸至二十九丸薑湯送下 參萸丸可治吞酸亦可治自利 酸心用檳榔四兩陳皮二兩末之空心生蜜湯下方寸匕

〔嘔清水〕 經云太陰之復嘔而密默唾吐清液治以甘熱是嘔水屬濕一味蒼朮丸主之 金匱方心

胸中有停痰宿水自吐出水後心胸間虛氣滿不能食茯苓飲主之能消痰氣令能食 又云渴欲飲水水入則吐者名曰水逆五苓散主之 千金方治痰飲水吐無時節者其原因冷飲過度遂令痺胃氣羸

不能消於飲食飲食入胃則皆變成冷水反吐不停皆赤石脂散主之赤石脂搗篩服方寸匕酒飲時稍加至三匕服盡一斤終身不吐痰水又不利

〔吐涎沫〕 金匱方乾嘔吐逆吐涎沫半夏乾薑散主之半夏乾薑各等分杵為散取方寸匕漿水一升半煎至七合頓服之 乾嘔吐涎沫頭痛者吳茱萸湯主之 婦人吐涎沫醫反下之心下即痞當先治

其吐涎沫小青龍湯主之涎沫止乃治痞瀉心湯主之

〔嘔膿〕 仲景云嘔家雖有癰膿不可治嘔膿盡自愈仁齋直指以地黃丸湯主之

〔嘔蟲〕 仲景以吐蚘為胃中冷之故則成蚘厥宜理中湯加炒川椒五粒檳榔半錢吞烏梅丸 胃欬

之狀欬而嘔嘔甚則長蟲出亦用烏梅丸取胃三里 有嘔吐諸藥不止別無他證乃蚘在胸膈作嘔見藥則動動則不納藥藥出而蚘不出雖非吐蚘之比亦宜用吐蚘藥或於治嘔藥中入炒川椒十粒蛔見椒則頭伏故也

〔診〕

形狀如新臥起 陽緊陰數其人食已即吐陽浮而數亦為吐 或浮大昏陽偏勝陰不能配 寸

緊尺濇其人胸滿不能食而吐 寸口脈數其人則吐 寸口脈細而數數則為熱細則為寒數為嘔吐

金匱問數為熱當消穀引食而反吐者何也曰以發其汗令陽微膈氣虛脈乃數數為客熱不能消穀



胃中虛冷故吐也 跌陽脈微而濇微則不利濇則吐逆穀不得入或浮而濇浮則虛虛傷脾脾傷則寸口脈微而數微則

血虛血虛則胃中寒脈緊而濇者難治 關上脈浮大風在胃中心下澹澹食欲嘔 關上脈微浮積熱在胃中嘔

吐虵蟲 關上脈緊而滑者虵動 脈緊而滑者吐逆 脈小弱而濇胃反 浮而洪為氣 浮而匿為

積 沉而遲為寒 跌陽脈浮胃虛嘔而不食恐怖者難治寬緩生寒氣在上陰氣在下二氣並爭但出不入先嘔却渴此

為欲解先渴却嘔為水停心下屬飲 脈弱而嘔小便復利身有微熱見厥者死 嘔吐大痛色如青菜

葉者死

胃反即膈噎

金匱要略云發汗令陽微膈氣虛脈乃數數為客熱不能消穀胃中虛冷其氣無餘朝食暮吐變為胃反

又云跌陽脈浮而濇浮則為虛濇則傷脾脾傷則不磨朝食暮吐暮食朝吐宿食不化名曰胃反傷寒論

太陽病吐後汗出不惡寒發熱關脈細數欲食冷食朝食暮吐註以晨食入胃胃虛不能剋化至暮胃氣

行裏與邪相搏則食反出也巢氏病源亦曰榮衛俱虛血氣不足停水積飲在胃脘即臍冷臍冷則脾不

磨而宿食不化其氣逆而成反胃則朝食暮吐甚則食已即吐王太僕註內經亦曰食不得入是有火也

食入反出是無火也由是後世悉以胃虛為寒而惟用辛香大熱之劑以復其陽雖有脈數為邪熱不殺

穀者亦用之殊不思壯火散氣其大熱之藥果能復氣乎丹溪謂膈噎反胃之病得之七情六淫遂有火熱炎上之化多升少降津液不布積而爲痰爲飲被劫時暫得快七情飲食不節其證復作前藥再行積成其熱血液衰耗胃腕乾槁其槁在上近咽之下水飲可行食物難入入亦不多名之曰噎其槁在下與胃爲近食雖可入難盡入胃良久復出名之曰膈亦曰反胃大便秘少若羊矢然必外避六淫內節七情飲食自養滋血生津以潤腸胃則金無畏火之炎腎有生水之漸氣清血和則脾氣健運而食消磨傳送行矣此論膈噎之久病者也然而亦有病未久而食入卽反出之不已與膈噎形狀同者何以言之內經謂厥陰之復嘔吐飲食不入入而復出甚則入脾食痹而吐王註食痹者食已心下痛陰陰然不可忍也吐出乃止此胃氣逆而下行也又胃脈軟散當病食痹又肺病傳之肝曰肝痹脇痛出食與夫金匱要略復有肝中寒心中風厥陰之爲病三者皆食入則吐則必又從其病由之邪而治也大抵反胃亦必如前條治吐分氣積寒三法可也奈後世概用調氣之劑製一方名十膈散治十般膈氣今人守之爲良方略古聖賢而勿論夫治病之道非中其邪而病豈能愈乎予試以昔嘗求邪而得驗者明之一男子壯年食後必吐出數口却不盡出膈上時作聲面色如平人知其病不在脾胃而在膈間問其得病之由乃因大怒未止輒喫麪卽時有此證料之以怒甚則血菀於上積在膈間有礙氣之升降津液因聚爲痰爲飲

與氣相搏而動故作聲也用二陳湯加香附韭汁萊菔子服二日以瓜蒂散酸漿吐之再一日又吐痰中見血一盞次日復吐見血一鍾其病卽愈一中年人中脘作痛食已則吐面紫霜色兩關脈瀆知其血病也問之乃云跌仆後中脘卽痛投以生新推陳血劑吐出停血梳許則痛不作而食亦不出矣 咽喉閉塞胸膈膨滿似屬氣滯暫宜香砂寬中丸開導結散而已然服耗氣藥過多中氣不運而致者當補氣而使自運補氣運脾湯 李絳療反胃嘔吐無常粥飲入口卽吐困倦無力垂死者以上黨人參二天兩劈破水一大升煮取四合熱燉服 大便秘結如羊矢閉久不通似屬血熱止可清熱潤養小著湯丸累累

加之關扃自透滋血潤腸湯 薑汁炙大黃 人參利膈丸 元明粉少加甘草然服通利藥過多致血液耗竭而愈結者當補血潤血

而使自行 有因火逆衝上食不得入其脈洪大有力而數者滋陰清膈散加枇杷葉二錢蘆根一兩

或痰飲阻滯而脈結澀者二陳湯入竹瀝薑汁 痰多食飲纔下便爲痰涎裹住不得下者以來復丹控

其痰涎自製滌痰丸半夏麩枯礬皂角火炙刮去皮弦子元明粉白茯苓枳殼各等分霞天膏和丸 有

因脾胃陽火內衰其脈沉微而遲者以辛香之藥溫其氣却宜丁沉透膈湯五膈寬中散嘉禾散之類仍

以益陰之藥佐之 瘀血在膈間阻礙氣道而成者居多以代抵當丸作芥子大取三錢去枕仰臥細細

嚙之令其搜逐停積至天明利下惡物却好將息自愈 五靈脂治淨爲細末黃犬膽汁和丸如龍眼大

每服一丸好酒半盞溫服不過三服效亦行瘀血之劑也 亦有蟲者以秦川剪紅丸取之此丸亦取瘀

血 本事方芫花丸治積聚停飲痰水生蟲久則成反胃及變為胃癰其說在靈樞及巢氏病源 有實

積而無內熱者古方厚朴丸萬病紫苑丸當如方服之能取下蟲物 治反胃用新汲水一大椀留半椀

將半椀水內細細澆香油鋪滿水面上然後將益元散一貼輕輕鋪滿香油面上須臾自然沉水底此即

陰陽升降之道也用匙攪勻服却將所留水半椀盪藥椀漱口令淨吐既止却進末子涼膈散通其大小

便未效再進一貼益元及涼膈即效也此方極驗 童便降火竹瀝行痰韭汁行血人乳汁牛乳汁補虛蘆根汁

止茅根汁涼血薑汁佐竹瀝甘蔗汁和驢尿殺蟲仍入燒酒米醋蜜各少許和勻隔湯燉溫服 自製通腸丸

大黃酒浸滑石飛研各二兩陳皮去白厚朴薑製各一兩半人參當歸貫衆去毛乾漆炒煙各一兩木香檳榔各七錢

半三稜煨蓬朮煨川芎薄荷元明粉雄黃桃仁泥甘草各五錢俱各另取細末用竹瀝童便韭汁人乳驢

尿蘆根汁茅根汁甘蔗汁燒酒米醋蜜各二杯薑汁一杯隔湯煮濃和丸如芥子大每服三錢去枕仰臥

唾津嚥下通利止後服服此丸及前諸汁後得藥不反切不可便與粥飯及諸飲食每日用人參五錢陳

皮二錢作湯細啜以扶胃氣覺稍安漸漸加人參旬日半月間方可小試陳倉米飲及糜粥倉廩未固不

宜便貯米穀常見即食粥飯者遂致不救 又有反胃因叫呼極力破損氣喉氣喉破漏氣蘊胃管胃受



氣亦致反胃法在不治或用牛喉管焙燥服之 張子和十膈五噎浪分支派疏 病派之分自巢氏始  
病失其本亦自巢氏始何則老子曰少則得多則惑且俗謂噎食一症在內經原無多語惟曰三陽結謂  
之膈三陽者大腸小腸膀胱也結謂結熱也小腸結熱則血脈燥大腸結熱則後不圍膀胱結熱則津液  
涸三陽俱結則前後闕渣下既不通必反上行此所以噎食不下縱下而復出也謂胃爲水穀之海日受  
其新以易其陳一日一便乃常度也今病噎者三五七日不便乖其度也豈非三陽俱結於下大腸枯涸  
所食之物爲咽所拒縱入太倉還出喉嚨此陽火不下推而上行也經曰少陽所至爲嘔涌溢食不下又  
氣厥論云肝移寒於心爲狂膈中註陽與寒相搏故膈食而中不通此膈熱與寒爲之也非獨專於寒也  
六節藏象云人迎四盛以上爲格陽王太僕云陽盛之極故膈拒而食不入正理論云格則吐逆故膈亦  
當爲格後世強分爲五噎後又別爲十膈五噎其派既多其惑滋甚人之溢食初未必遽然也初或傷酒  
食或胃熱欲吐或胃風欲吐醫氏不察本原火裏燒薑湯中煮桂丁香未已豆蔻繼之萸撥未已胡椒繼  
之雖曰和胃胃本不寒雖曰補胃胃本不虛設如傷飲止可逐飲設如傷食止可逐食豈可言虛便將熱  
補素熱之人三陽必結三陽既結食必上潮醫者猶云胃寒不納燒針著艾三陽轉結分明一句到了難  
從不過抽薪退熱最爲緊要揚湯止沸愈急愈增歲月采深爲醫所誤人言可下退陽養陰張眼吐舌恐